

Կազմված է 04.12.2017թ. և բաղկացած է 11 թերթից

Տպագրված է ընդամենը 2 օրինակ

ՀԱՍՏԱՏՎԱԾ Է

ՕՐԻՆԱԿ 2

Հայաստանա Հանրապետության
Գեղարքունիքի մարզի Վարդենիսի
Համայնքի ավագանու
որոշմամբ
Վարդենիսի Համայնքապետ

Ա. Հարությունյան

Գ Ր Ա Ն Ց Վ Ա Ծ Է

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՈՒԳԻՍՏՐԻ ԳՈՐԾԱԿԱԼՈՒԹՅԱՆ
ԿՈՂՄԻՑ

գրանցման համարը

վկայական

ՀՎՀՀ

« ՎԱՐԴԵՆԻՍԻ ԿՈՄՈՒՆԱԼ

ՏՆՏԵՍՈՒԹՅՈՒՆ ԵՎ ԲԱՐԵԿԱՐԳՈՒՄ »

ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆ

ԿԱՆՈՆԱԴՐՈՒԹՅՈՒՆ

ԸՆԴՀԱՆՈՒՐ ԴՐՈՒՅԹՆԵՐ

1.1 Գեղարքունիքի մարզի Վարդենիս քաղաքի «ՎԱՐԴԵՆԻՍԻ ԿՈՄՈՒՆԱԼ ՏՆՏԵՍՈՒԹՅՈՒՆ ԵՎ ԲԱՐԵԿԱՐԳՈՒՄ» համայնքային ոչ առևտրային կազմակերպություն (հետագայում՝ Կազմակերպություն) համարվում է շահույթ ստանալու նպատակ չհետապնդող իրավաբանական անձի կարգավիճակ ունեցող ոչ առևտրային կազմակերպություն:

Կազմակերպության հիմնադիրը Հայաստանի Հանրապետության Գեղարքունիքի մարզի Վարդենիսի համայնքապետարան է (այսուհետ՝ Հիմնադիր), որի անունից հանդես է գալիս Հայաստանի Հանրապետության Գեղարքունիքի մարզի Վարդենիսի համայնքապետարանը:

Կազմակերպությունը ստեղծվել է Հայաստանի Հանրապետության Գեղարքունիքի մարզի Վարդենիսի համայնքապետի թիվ և Վարդենիսի համայնքի ավագանու թիվ նիստի որոշումների համաձայն:

1.2. Կազմակերպության իրավունակությունը ծագում է նրա ստեղծման (պետական գրանցման) և դադարում լուծարման ավարտի (լուծարման պետական գրանցման) պահից:

1.3. Կազմակերպությունն ունի կլոր կնիք: Կազմակերպության կնիքը պարունակում է՝ Կազմակերպության անվանումը (հայերեն գրառումով), հարկ վճարողի հաշվառման համարը ինչպես նաև օրենքով ու Հայաստանի Հանրապետության կառավարության կողմից սահմանված այլ վավերապայմաններ: Կազմակերպությունը կարող է ունենալ դրոշմներ և ձևաթղթեր, ինչպես նաև խորհրդանիշ, օրենքով սահմանված կարգով գրանցված ապրանքային, առևտրային և այլ նշաններ ու անհատականացնող այլ միջոցներ:

1.4 Կազմակերպությունն իր գործունեության ընթացքում ղեկավարվում է Հայաստանի Հանրապետության Քաղաքացիական Օրենսգրքով (այսուհետ՝ Օրենսգիրք), «Պետական ու առևտրային կազմակերպությունների մասին» Հայաստանի Հանրապետության օրենքով (այսուհետ՝ Օրենք), Հայաստանի Հանրապետության իրավական այլ ակտերով և սույն կանոնադրությամբ:

1.6. Կազմակերպությունն իր պարտավորությունների համար պատասխանատու է իրեն պատկանող ամբողջ գույքով:

Կազմակերպությունը պատասխանատվություն չի կրում հիմնադիր պարտավորությունների համար:

1.7. Հայաստանի Հանրապետությունը և համայնքները պատասխանատվություն չեն կրում Կազմակերպության պարտավորությունների համար: Կազմակերպությունն իր հերթին պատասխանատվություն չի կրում Հայաստանի Հանրապետության և համայնքների պարտավորությունների համար:

1.8. Կազմակերպության անվանումն է՝
հայերեն լրիվ՝ «ՎԱՐԴԵՆԻՍ ԿՈՄՈՒՆԱԼ ՏՆՏԵՍՈՒԹՅՈՒՆ ԵՎ ԲԱՐԵԿԱՐԳՈՒՄ»
համայնքային ոչ առևտրային կազմակերպություն

կրճատ՝ «ՎԱՐԴԵՆԻՍԻ ԿՈՄՈՒՆԱԼ ՏՆՏԵՍՈՒԹՅՈՒՆ ԵՎ ԲԱՐԵԿԱՐԳՈՒՄ ՀՈԱԿ»

1.9. Կազմակերպության գտնվելու վայրը փոստային հասցեն է՝

ՀՀ, Գեղարքունիքի մարզ, ք. Վարդենիս Անդրեասյան 6

2. ԿԱԶՄԱԿԵՐՊՈՒԹՅԱՆ ԳՈՐԾՈՒՆԵՈՒԹՅԱՆ ԱՌԱՐԿԱՆ ՈՒ ՆՊԱՏԱԿԸ

2.1. Կազմակերպության ստեղծման նպատական է ստեղծել բոլոր անհրաժեշտ պայմանները Հայաստանի Հանրապետության Գեղարքունիքի մարզի Վարդենիս համայնքի բնակչության կոմունալ ծառայությունների սպասարկման համար:

2.2. Կազմակերպության կողմից իրականացվող ձեռնարկատիրական գործունեության տեսակներն են.

- Աղբահանություն և սան մաքրման ծառայությունների կազմակերպում,
- Սգո արարողությունների սպասարկում,
- Կոմունալ բնույթի այլ ծառայությունների մատուցում:

2.3. Իր առջև դրված խնդիրների արդյունավետ իրականացման համար կազմակերպությունը՝

- Խմելու ջրագծի ներտնտեսային և արտաքին ցանցի ընթացիկ նորոգման աշխատանքների կազմակերպում,
- Ջրատար առուների բարելավում և սպասարկում,
- Փողոցային լուսավորության ցանցի սպասարկում,
- Փողոցների փոստային նորոգումների աշխատանքների կազմակերպում,
- իր կողմից կնքված պայմանագրերի ու համաձայնագրերի հիման վրա իրականացնում է երկողմանի ու բազմակողմանի կապեր հանրապետության և օտարերկրյա կազմակերպությունների, հիմնարկների, այլ կազմակերպությունների, իրավաբանական և ֆիզիկական անձանց հետ,
- Պայմանագրային հիմունքներով ներգրավում է այլ կազմակերպությունների կամ անհատների,
- կատարում է տարատեսակ աշխատանքներ կադրերի պատրաստման, մասնագետների փոխանակման և այլ բնագավառներում:

2.4. Կազմակերպությունը կարող է իրականացնել միայն օրենքով կամ հիմնադրի որոշմամբ ուղղակիորեն նախատեսված գործունեության տեսակներ:

Օրենքով սահմանված գործունեության առանձին տեսակներով կազմակերպությունը կարող է զբաղվել միայն լիցենզիայի առկայության դեպքում՝ լիցենզիա ստանալու պահից կամ նրանում նշված ժամկետում:

Եթե լիցենզիայի հատկացման պայմաններում նախատեսված է, որ կազմակերպությունը բացի լիցենզավորվող գործունեությունից այլ գործունեությամբ զբաղվել չի կարող կամ սահմանափակումներ են դրվում գործունեության առանձին տեսակներով զբաղվելու վրա, ապա Կազմակերպությունը լիցենզիայի գործողության ժամկետում իրավունք չունի զբաղվել այլ գործունեությամբ, բացառությամբ լիցենզիայով նախատեսվածների կամ այն գործունեություններով, որոնց մասին նշված է լիցենզիայի մեջ:

3. ԿԱԶՄԱԶՄԱԿԵՐՊՈՒԹՅԱՆ ԻՐԱՎԱԿԱՆ ԿԱՐԳԱՎԻՃԱԿԸ, ԻՐԱՎՈՒՆՔՆԵՐՆ ԵՎ ՊԱՐՏԱԿԱՆՈՒԹՅՈՒՆՆԵՐԸ

3.1. Պետական գրանցման պահից Կազմակերպությունը ձեռք է բերում իրավաբանական անձի կարգավիճակ:

Կազմակերպությունը որպես սեփականություն ունի առանձնացված գույք և իր պարտավորությունների համար պատասխանատու է այդ գույքով, կարող է իր

անունից կնքել պայմանագրեր, ձեռք բերել ու իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:

Կազմակերպությունն ունի ինքնուրույն հաշվեկշիռ, Հայաստանի Հանրապետության և (կամ) օտարերկրյա բանկերում՝ հաշվարկային բանկային հաշիվներ (ինչպես Հայաստանի Հանրապետության դրամով, այնպես էլ արտարժույթով):

3.2. Կազմակերպությունը կարող լինել այլ կազմակերպության հիմնադիր « մասնակից » միայն հիմնադրի որոշմամբ:

3.3. Կազմակերպությունն իրավունք ունի ստեղծել « հիմնադրի որոշմամբ » առանձնացված ստորաբաժանումներ «մասնաձյուղեր և ներկայացուցչություններ», ինչպես Հայաստանի Հանրապետության, այնպես էլ այլ պետությունների տարածքում:

Կառավարչական, սոցիալ-մշակութային, կրթական կամ ոչ առևտրային բնույթի այլ գործունեություն իրականացնելու համար Կազմակերպությունը կարող է ստեղծել հիմնարկներ:

Օտարերկրյա պետություններում առանձնացված ստորաբաժանումների ստեղծումն իրականացվում է տվյալ երկրի օրենքներին համապատասխան, եթե Հայաստանի Հանրապետության միջազգային պայմանագրերով այլ բան նախատեսված չէ:

Կազմակերպության առանձնացված ստորաբաժանումները և հիմնարկները իրավաբանական անձիք չեն և գործում են Կազմակերպության հաստատած կանոնադրությունների հիման վրա, իսկ նրանց ղեկավարները գործում են Կազմակերպության լիազորագրի հիման վրա:

3.4 Կազմակերպությունն իրավունք ունի.

- Հայաստանի Հանրապետության օրենսդրությամբ չարգելված ցանկացած ձևերով ձեռք բերել գույք, այդ թվում արժեթղթեր, տիրապետել, օգտագործել ու տնօրինել դրանք և դրանցից ստացված եկամուտը կամ այլ օգտակար արդյունքը,
- ինքնուրույն կազմավորել իր ֆինանսական ռեսուրսները, այդ թվում՝ փոխառու միջոցների ներգրավմամբ, Հայաստանի Հանրապետությունում և այլ պետություններում ստանալ բանկային և առևտրային վարկեր, այդ թվում՝ արտարժույթով, օրենսդրությամբ սահմանված կարգով իր անունից թողարկել և տարածել արժեթղթեր,
- հիմնադիր որոշումների կամ սույն կանոնադրությամբ համապատասխան իր հայեցողությամբ տիրապետել, տնօրինել և օգտագործել սեփականության իրավունքով իրեն պատկանող գույքը,
- մեկ տարուց ոչ ավելի ժամկետով իրեն ամրացված գույքը հիմնադրի անունից հանձնել վարձակալության,
- օտարել, վարձակալության տալ, փոխանակել, օրենսդրությամբ չարգելված այլ ձևերով փոխանցել գույքային իրավունքներ, լինել գրավառու և գրավատու,

- օրենսդրությամբ սահմանված կարգով արտահանել և ներմուծել գույքի օբյեկտներ արտադրված, գնված և այլ օրինական ձևով ստացված արտադրանք, ծառայություններ մատուցել և աշխատանքներ կատարել օտարերկրյա իրավաբանական անձանց և «կամ» ձեռնարկությունների, կազմակերպությունների և քաղաքացիների համար, օգտվել նրանց կատարած աշխատանքներից և մատուցած ծառայություններից, այլ պետություններում նրանց օրենսդրությանը համապատասխան իրականացնել ներդրումներ, ստեղծել իրավաբանական անձինք և «կամ» ձեռնարկություններ և անդամակցել իրավաբանական անձանց և «կամ» ձեռնարկությունների,
- օգտվել օրենսդրությամբ և սույն կանոնադրությամբ սահմանված այլ իրավունքներից:

3.5. Կազմակերպությունն իրավունք չունի իրեն ամրացված գույքը կամ դրա նկատմամբ իր իրավունքներն օտարել, գրավ դնել, հանձնել անհատույց օգտագործման:

3.6. Կազմակերպությունը պարտավոր է.

- օրենսդրությամբ կամ այլ իրավական ակտերով սահմանված կարգով իրականացնել հաշվապահական հաշվառում և ներկայացնել վիճակագրական հաշվետվություն,
- աշխատանքային պայմանագրեր կնքել կազմակերպության աշխատակիցների հետ,
- պատասխանատվություն կրել և փոխհատուցել իր կողմից հասցրած վնասը՝ կնքած պայմանագրերը չկատարելու կամ հարկ եղածին պես չկատարելու, այլ անձանց սեփականության իրավունքը խախտելու համար,
- օրենսդրությամբ սահմանված կարգով հայտարարել կազմակերպության սնանկացման մասին այն դեպքում, երբ հնարավոր չէ բավարարել պարտատերերի օրինական գույքային պահանջները,
- հրապարակել իր տարեկան ֆինանսական հաշվետվությունը,
- ապահովել կազմակերպության փաստաթղթերի «Կազմակերպության կանոնադրության, գույքի նկատմամբ գույքային իրավունքները հաստատող փաստաթղթերի, առանձնացված ստորաբաժանումների ու հիմնարկների կանոնադրությունների, տնօրենի հրամանների, հրահանգների ու կարգադրությունների, Հայաստանի Հանրապետության օրենքով և այլ իրավական ակտերով նախատեսված այլ փաստաթղթերի» պահպանումը,
- կրել օրենսդրությամբ և սույն կանոնադրությամբ սահմանված այլ պարտավորություններ:

4. ԿԱԶՄԱԿԵՐՊՈՒԹՅԱՆ ՀԻՄՆԱԴԻՐԸ

4.1. Կազմակերպության հիմնադիրն ունի կազմակերպության գործունեությանը և կառավարմանը վերաբերող ցանկացած հարց վերջնական լուծելու իրավունք, բացառությամբ Օրենքով նախատեսված դեպքերի:

4.2. Կազմակերպության հիմնադիրն իրավունք ունի՝

- հետ վերցնել իր կողմից կազմակերպությանն ամրացված գույքը «այդ թվում՝ գույքի օգտագործման ընթացքում առաջացած անբաժանելի բարելավումները»,

- կասեցնել կամ ուժը կորցրած ճանաչել կազմակերպության տնօրենի Հայաստանի Հանրապետության օրենսդրության պահանջներին հակասող հրամանները, հրահանգները, կարգադրություններն ու ցուցումները,
- վերահսկողություն իրականացնել կազմակերպությանն ամրացված համայնքային սեփականություն հանդիսացող գույքի օգտագործման և պահպանության նկատմամբ,
- հայցով դիմել դատարան՝ Օրենքի կամ սույն կանոնադրության պահանջների խախտմամբ կատարված խոշոր գործարքը անվավեր ճանաչելու նպատակով,
- օգտվել Օրենքով և կազմակերպության կանոնադրությամբ նախատեսված այլ իրավունքներից,

4.3. Կազմակերպության հիմնադիրը պարտավոր է՝

- ապահովել կազմակերպության բնականոն գործունեությունը,
- չրապարակել կազմակերպության գործունեության վերաբերյալ գաղտնիք պարունակող տեղեկություններ,
- կատարել կազմակերպության նկատմամբ ստանձնաց պարտավորությունները,
- պահպանել սույն կանոնադրության դրույթները:

5. ԿԱԶՄԱԿԵՐՊՈՒԹՅԱՆ ԳՈՒՅՔՅԻՆ ՇԱՀՈՒՅԹԸ

5.1. Կազմակերպությունը հանդիսանում է սեփականատեր՝

- Կազմակերպության հիմնադրի կողմից «հիմնադրման ժամանակ և հետագայում» սեփականության իրավունքով հանձնված գույքի,
- Կազմակերպության գործունեության հետևանքով արտադրած արտադրանքի և ձեռք բերված գույքի,
- ստացված եկամուտների:

Կազմակերպության սեփականության ներքո կարող է գտնվել ցանկացած գույք բացառությամբ գույքի առանձին տեսակների, որոնք օրենքին համապատասխան չեն կարող պատկանել իրավաբանական անձանց:

Կազմակերպության գույքի նկատմամբ սեփականության իրավունք ձեռք բերելու, իրավունքը դադարելու, գույքը տիրապետելու, օգտագործելու ու տնօրինելու առանձնահատկությունները կապված գույքը կազմակերպության սեփականությանը պատկանելու հանգամանքի հետ, սահմանվում են միայն օրենքներով:

5.2. Կազմակերպության հիմնադիրը կազմակերպությանն սեփականության իրավունքով պատկանող գույքի նկատմամբ չունի իրավունքներ:

5.3. Կազմակերպության հիմնադիրը կարող է կազմակերպությանն անժամկետ և անհատույց օգտագործման իրավունքով ամրացնել ցանկացած գույք:

Ամրացված գույքի օգտագործման արդյունքում կազմակերպության ստացած եկամուտները կազմակերպության սեփականությունն են:

Ամրացված գույքի օգտագործման ընթացքում առաջացած անբաժանելի բարելավումները հիմնադրի սեփականությունն են:

5.4. Կազմակերպության գույքի վրա կարող է բռնագանձում տարածվել միայն դատական կարգով:

5.5. Շահույթ ստանալու նպատակ չհետապնդող կազմակերպությունների համար սահմանված կարգով ու չափով հարկերը, տուրքերը և պարտադիր այլ վճարները կատարելուց հետո մնացած, սահմանված կարգով առաջացած զուտ շահույթ կազմակերպությունն օգտագործում է սույն կանոնադրությամբ նախատեսված նպատակների «Կազմակերպության տեխնիկական հագեցվածության բարելավում, այդ թվում հիմնական միջոցների ձեռքբերման ճանհապարով, կազմակերպության աշխատանքային գործունեությունը ապահովող գույքի և նյութերի ձեռքբերում, գրականության ձեռքբերում, բրոշյուրների, գրքույկների, տեղեկագրերի հրապարակման կազմակերպում, պարզևատրումների, հավելավճարների և խրախուսման այլ միջոցներով կազմակերպության աշխատակիցների սոցիալական պաշտպանվածության բարձրացում, աշխատակիցների որակավորման բարձրացման նպատակով դասընթացների կազմակերպում կամ մասնակցություն կազմակերպված դասընթացներին և այլն» իրականացման համար: Կազմակերպության շահույթի օգտագործման կարգը սահմանում է՝ Հիմնադիրը:

6. ԿԱԶՄԱԿԵՐՊՈՒԹՅԱՆ ԿԱՌԱՎԱՐՈՒՄԸ

6.1 Կազմակերպության կառավարման մարմիններն են կազմակերպության հիմնադիրը և տնօրենը:

6.2 . Կազմակերպության կառավարման բարձրագույն մարմինը կազմակերպության հիմնադիրն է, որն իրականացնում է կազմակերպության ընդհանուր կառավարումը և որն ունի կազմակերպության գործունեությանը և կառավարմանը վերաբերող ցանկացած հարցի վերջնական լուծելու իրավունք, բացառությամբ Օրենքով նախատեսված դեպքերի:

Կազմակերպության հիմնադիրը ապահովում է կազմակերպության բնականոն գործունեությունը , պատասխանատվություն կրում սույն կանոնադրությամբ սահմանված գործունեության չկատարման կամ անպատշաճ իրականացման համար:

6.3. Կազմակերպության հիմնադրի իրավասությանն են պատկանում՝

1. կազմակերպության կանոնադրության մեջ փոփոխությունների և լրացումների կատարումը, կազմակերպության կանոնադրության հաստատումը նոր խմբագրությունում,

2. կազմակերպությանն սեփականության իրավունքով հանձնվող գույքի կազմի հաստատումը,
3. կազմակերպությանն ամրացվող համայնքային սեփականություն հանդիսացող գույքի կազմի հաստատումը,
4. կազմակերպության վերակազմակերպումը,
5. կազմակերպության լուծարումը,
6. կազմակերպության լուծարման հանձնաժողովի նշանակումը և լուծարման հաշվեկշիռները «լուծարման ամփոփիչ, լուծարման միջանկյալ և լուծարման հաշվեկշիռներ» հաստատումը,
7. կազմակերպությունների հիմնադրումը,
8. կազմակերպություններում մասնակցության մասին որոշումների ընդունումը,
9. կազմակերպության կառավարման համակարգի սահմանումը, կազմակերպության տնօրենի նշանակումը, նրա լիազորությունների վաղաժամկետ դադարեցումը,
10. կազմակերպության գործունեության վերահսկողության իրականացումը,
11. կազմակերպության գործունեության առարկայի և նպատակների, այդ թվում՝ կազմակերպության կողմից իրականացվող գործունեության տեսակների սահմանումը,
12. մասնագիտությունների և մասնագիտացումների անվանացանկների հաստատումը,
13. ըստ մասնագիտությունների ուսումնական պլանների հաստատումը,
14. կազմակերպության աուդիտն իրականացնող անձի հաստատումը,
15. աուդիտի իրականացման որոշումն ընդունելը,
16. կազմակերպության տարեկան ծախսերի, այդ թվում՝ անվճար ուսուցման ծախսերի արտաբյուջետային եկամուտների և ծախսերի նախահաշվի հաստատումը,
17. ինչպես անվճար, այնպես էլ վճարովի հիմունքներով ընդունելության տեղերի հաստատումը ըստ մասնագիտությունների,
18. կազմակերպության տարեկան հաշվետվությունների, տարեկան հաշվապահական հաշվեկշռի հաստատումը,
19. կազմակերպության շահույթի ու վնասների օգտագործման կարգի մասին որոշման ընդունումը,
20. կազմակերպության մասնաճյուղերի, ներկայացուցչությունների և հիմնարկների աշխատանքի տարեկան արդյունքների հաստատումը,
21. կազմակերպության գույքի օտարման և ձեռքբերման հետ կապված խոշոր գործարքներ «որոնց արժեքը, գործարքին փոխկապակցված այլ գործարքների հետ միասին, գերազանցում է այդ գործարքների կատարելու մասին որոշման ընդունման օրվանը նախորդող եռամսյակի արդյունքներով սահմանված զուտ ակտիվների մեծության 1/2-ը կատարելուն համաձայնություն տալը,
22. կազմակերպության առանձնացված ստորաբաժանումների և հիմնարկների ստեղծումը, գործունեության դադարեցումը, դրանց կանոնադրությունների հաստատումը,
23. կազմակերպության ներքին գործունեությունը կարգավորող փաստաթղթերի «կազմակերպության ներքին փաստաթղթեր» հաստատումը,
24. ղեկավար պատոնատար անձանց աշխատանքի վարձատրման պայմանների որոշումը:

Կազմակերպության Հիմնադիրն իրավունք ունի որոշումներ ընդունել նաև Օրենքով և սույն կանոնադրությամբ նախատեսված ցանկացած այլ հարցի շուրջ:

6.4. Կազմակերպության ընթացիկ արտադրատնտեսական, ֆինանսական և այլ գործունեության ղեկավարումն իրականացնում է տնօրենը, որին նշանակում և ազատում է Հիմնադիրը երեք տարի ժամկետով: Տնօրեն կարող է նշանակվել բարձրագույն կրթություն ունեցող, Հայաստանի Հանրապետության գործունակ ցանկացած քաղաքացի, բացառությամբ Օրենքով նախատեսված դեպքերի: Կազմակերպության և կազմակերպության տնօրենի միջև աշխատանքային պայմանագիրը հիմնադրի անունից ստորագրվում է համայնքապետի կողմից: Պայմանագրում սահմանվում են տնօրենի իրավունքները, պարտականությունները, փոխհարաբերությունները Հիմնադրի հետ, նրա աշխատանքի վարձատրման պայմանները, պայմանագրի դադարման հիմքերը «այդ թվում՝ Օրենքով նախատեսված բոլոր հիմքերը», այլ դրույթներ, որոնք կողմերը կգտնեն անհրաժեշտ:

Տնօրենը լուծում է բոլոր հարցերը, բացի կազմակերպության Հիմնադրի իրավասությանը վերաբերվող հարցերի: Տնօրենն օրենքով, Հիմնադրի որոշումներով, աշխատանքային պայմանագրով, սույն կանոնադրությամբ իրեն վերապահված լիազորությունների շրջանակներում ղեկավարում է կազմակերպության գործունեությունը և կրում է պատասխանատվություն օրենքների, այլ իրավական ակտերի, Հիմնադրի որոշումների, սույն կանոնադրության, աշխատանքային պայմանագրի պահանջները չկատարելու կամ անպատշաճ կատարելու համար:

Տնօրենը լրիվ գույքային պատասխանատվություն է կրում իր մեղքով կազմակերպությանը, Հիմնադրին, պետությանը պատճառված վնասի համար, ընդ որում տնօրենի լիազորությունների դադարեցումը հիմք չէ պատճառած վնասը հատուցելու պարտականությունը չկատարելու համար:

Հիմնադրի անունից հանդես եկող պաշտոնատար անձը «Հայաստանի Հանրապետության Գեղարքունիքի մարզի Վարդենիսի Համայնքապետը» պարտավոր է օրենքով սահմանված կարգով լուծել վերը նշված վնասի փոխհատուցման հարցը, հակառակ դեպքում նա կրում է լրիվ գույքային պատասխանատվություն:

Տնօրենի բացակայության դեպքում Հիմնադրի գրավոր որոշման համաձայն տնօրենի լիազորություններն իրականացնում է այլ անձ:

Կազմակերպության տնօրենը պետք է վ գործի բարեխղճորեն և ողջամիտ՝ ի շահ կողմից ներկայացվող կազմակերպության:

6.5. Կազմակերպության տնօրենն իր իրավասության սահմաններում.

1. առանց լիազորագրի գործում է կազմակերպության անունից, ներկայացնում է նրա շահերը պետության, նրա մարմինների, այլ կազմակերպությունների և քաղաքացիների հետ հարաբերություններում, այլ պետություններում և միջազգային կազմակերպություններում,
2. տնօրինում է կազմակերպության գույքը, այդ թվում ֆինանսական միջոցները,

3. կնքում է պայմանագրեր, այդ թվում՝ աշխատանքային.
4. կազմակերպում է կազմակերպության կառուցվածքային ստորաբաժանումների աշխատանքը՝ ապահովելով դրանց ներդաշնակ գործունեությունը,
5. տալիս է լիազորագրեր, այդ թվում՝ վերալիազորման իրավունքով լիազորագրեր,
6. բանկում բացում է հաշվարկային և այլ հաշիվներ,
7. սահմանում է կազմակերպության կառուցվածքն ու կառուցվածքային ստորաբաժանումների իրավասությունները,
8. հաստատում է կազմակերպության առանձնացված ստորաբաժանումների և հիմնարկների կանոնադրությունները, նշանակում և ազատում է դրանց ղեկավարներին, տալիս է համապատասխան լիազորագրեր.
9. հաստատում է հաստիքներ,
10. իր իրավասության սահմաններում արձակում է հրամաններ, հրահանգներ, տալիս է կատարման համար պարտադիր ցուցումներ և վերահսկում դրանց կատարումը,
11. կատարում է աշխատանքի բաշխում իր տեղակալների միջև,
12. սահմանված կարգով աշխատանքի է ընդունում և աշխատանքից ազատում կազմակերպության աշխատակիցներին,
13. աշխատակցի նկատմամբ կիրառում է խրախուսման և կարգապահական պատասխանատվության միջոցներ,
14. սույն կանոնադրության 6.3. կետի 1, 4 – 8, 11 – 13, 16, 17, 19, 21, - 23 ենթակետերով սահմանված հարցերի մասին առաջարկություններ ներկայացնում Հիմնադրին,
15. իրականացնում է օրենքով, Հիմնադրի որոշումներով, սույն կանոնադրությամբ իրեն վերապահված կամ Հիմնադրի կողմից տրված այլ լիազորություններ և հանձնարարություններ:

6.6 Կազմակերպության գործունեության նկատմամբ վերահսկողությունն իրականացնում են Հիմնադիրը, Հիմնադրի կողմից լիազորված անձը, օրենքով նախատեսված այլ պետական կառավարման մարմիններ:

Կազմակերպության տարեկան ֆինանսական հաշվետվության հավաստիության հավաստիությունը վերստուգելու համար Հիմնադիրն իրավունք ունի ամեն տարի ներգրավել կազմակերպության, կազմակերպության տնօրենի հետ գույքային շահերով չկապված արհեստավարժ վերստուգիչ՝ աուդիտորի «արտաքին աուդիտ»:

7. ԿԱԶՄԱԿԵՐՊՈՒԹՅԱՆ ՄԱՍՆԱՃՅՈՒՂԵՐ ԵՎ

ԼՈՒԾԱՐՈՒՄԸ

7.1. Հայաստանի Հանրապետության տարածքում և նրանից դուրս կազմակերպությունը չունի մասնաճյուղեր և ներկայացուցչություններ:

8. ԿԱԶՄԱԿԵՐՊՈՒԹՅԱՆ ՎԵՐԱԿԱԶՄԱԿԵՐՊՈՒՄԸ ԵՎ ԼՈՒԾԱՐՈՒՄԸ

8.1. Կազմակերպությունը, նրա Հիմնադրի որոշմամբ, կարող է կամովին վերակազմակերպվել կամ լուծարվել՝ Հայաստանի Հանրապետության քաղաքացիական օրենսգրքով սահմանված կարգով:

Կազմակերպությունը կարող է դատական կարգով վերակազմակերպվել կամ միայն օրենքով սահմանված դեպքերում և կարգով:

Եթե լուծարվող կազմակերպության գույքի արժեքն անբավարար է պարտատերերի պահանջները բավարարելու համար, ապա այն կարող է լուծարվել միայն սնանկության հետևանքով:

8.2. Կազմակերպությունն իրավունք ունի վերակազմավորվել հարյուր տոկոս համայնքային «Հայաստանի Հանրապետության Գեղարքունիքի մարզի Վարդենիս համայնք մասնակցությամբ ընկերության կամ հիմնադրամի:

8.3. Կազմակերպության լուծարման դեպքում կազմակերպության պարտատերերի պահանջները բավարարելուց հետո մնացած գույքն ուղղվում է Հայաստանի Հանրապետության Գեղարքունիքի մարզ Վարդենիսի համայնքապետարանի բյուջե:

8.4. Կազմակերպությունը համարվում է լուծարված, իսկ նրա գործունեությունը՝ դադարած այդ մասին իրավաբանական անձանց պետական գրանցամատյանում համապատասխան գրանցում կատարելու պահից: